

Na osnovu člana 4. Odluke o utvrđivanju uslova i postupka za ostvarivanje prava učešća građana u dodjeli plastenika površine 100 m² sa dodatnom opremom na području općine Stari Grad, broj: 01-05-4-311/17 od 16.02.2017.godine, Načelnik Općine Stari Grad Sarajevo objavljuje:

JAVNI POZIV
za predaju zahtjeva za dodjelu plastenika površine 100 m²
sa dodatnom opremom

1. PRAVO PRIJAVE NA JAVNI POZIV

Pravo podnošenja prijave za dodjelu plastenika površine 100 m² sa dodatnom opremom imaju svi demobilisani borci koji su prijavljeni u Zavodu za zapošljavanje Stari Grad Sarajevo, penzioneri i oni koji imaju neriješen status (lica na čekanju), čije je mjesto prebivališta i zemljište na području općine Stari Grad.

Pravo na dodjelu ne mogu ostvariti lica koja su u ranijem periodu ostvarila pravo na donaciju (plasteničnik od Općine, nadležnih Ministarstava, humanitarnih i drugih institucija).

2. USLOVI ZA DODJELU PLASTENIKA

Pravo na dodjelu plastenika sa dodatnom opremom mogu ostvariti demobilisani borci koji ispunjavaju navedene uslove:

a) Opći uslovi

1. Da je podnosilac zahtjeva zakonski korisnik minimum 500 m² zemljišta na području općine Stari Grad (vlasnik, posjednik, nosilac prava korištenja i drugo)
2. Da navedeno zemljište pripada poljoprivrednom gazdinstvu odnosno da je uz objekat stanovanja podnosioca zahtjeva (utvrđuje Komisija na licu mjesta)
3. Broj članova domaćinstva

b) Posebni uslovi

1. Demobilisani borac – nezaposlen
2. Demobilisani borac – penzioner
3. Demobilisani borac – neriješen radni status (lica na čekanju)

c) Dodatni uslovi

I. Pripadnost jednoj od navedenih kategorija podnosioca zahtjeva i člana domaćinstva:

1. Priznat status RVI podnosioca zahtjeva
2. Prodicina šehida
3. Dokaz o nezaposlenosti svakog punoljetnog člana porodičnog domaćinstva
4. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva

II. Pogodnost zemljišta

1. Da je površina zemljišta gdje će se postaviti platenik ravna ili veoma blagog nagiba
 2. Da zemljište nije vlažno, odnosno sklono zabarivanju
 3. Da nije u blizini objekata koji bi mogli stvarati sjenu na platenik
 4. Da je zemljište udaljeno od glavnih saobraćajnica minimum 100 m
 5. Da je u neposrednoj blizini izvorišta vode ili vodovodne mreže
 6. Izjava da u ranijem periodu nije ostvareno pravo na donaciju – platenik
- (uslove od tačke 1. do tačke 6. utvrđuje Komisija za dodjelu platenika na licu mjesta)

3.POTREBNA DOKUMENTACIJA

Uz zahtjev za dodjelu platenika potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: zemljišno-knjižni izvadak, kopija katastarskog plana nadležne općinske službe i drugi dokazi o vlasništvu, odnosno posjedu zemljišta
2. Kopija lične karte i kopija prijave o mjestu boravka za podnosioca zahtjeva i sve punoljetne članove domaćinstva sa kućne liste
3. Kućna lista
4. Potvrda o nezaposlenosti izdata od Zavoda za zapošljavanje za podnosioca zahtjeva
5. Za lica koja nemaju riješen status odgovarajuća potvrda od kada nemaju riješen status (potvrdu izdaje preduzeće) kao i da razlog takvog statusa nije rezultat lične krivice dotičnog uposlenika
6. Ček od penzije ukoliko je podnosilac zahtjeva penzioner
7. Dokaz o ukupnim primanjima domaćinstva, podnosioca zahtjeva i punoljetnih članova domaćinstva (potvrda o studiranju, uvjerenje nadležne službe o nezaposlenosti, ček od penzije, potvrda o primanjima od poslodavca, odnosno primanja po osnovu lične i porodične invalidnine i sl.)
8. Demobilisani borac: rješenje o statusu borca ili uvjerenje Federalnog ministarstva odbrane, Uprava za odbranu Sarajeva – Odjel za odbranu Stari Grad, ratni vojni invalid (rješenje nadležne općinske službe) i šehidska porodica (rješenje nadležne općinske službe)
9. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva
10. Kandidati koji su u 2016. godini podnijeli zahtjev za dodjelu platenika bit će uzeti u razmatranje, s tim da su u obavezi podnijeti novi zahtjev na šalter protokola u zgradi Općine Stari Grad, uz koji će priložiti dokaz o nezaposlenosti, dokaz o nezaposlenosti svakog punoljetnog člana porodičnog domaćinstva, ček od penzije, ukoliko je podnosioc zahtjeva penzioner, potvrdu preduzeća za lica koja imaju neriješen status (lica na čekanju) i dokaz o ukupnim primanjima domaćinstva

4. PODNOŠENJE ZAHTJEVA I DOKUMENATA

Obrasci zahtjeva za dodjelu plastenika mogu se preuzeti na Info-punktu i na web stranici Općine Stari Grad (www.starigrad.ba). Zahtjevi za dodjelu plastenika sa pratećom dokumentacijom se predaju na šalter protokola u zgradi Općine Stari Grad, ulica Zelenih beretki br.4, sa naznakom: Služba za privredu i finansije – Prijava na Javni poziv za dodjelu plastenika.

Sve dodatne informacije mogu se dobiti u Službi za privredu i finansije, soba 416, IV sprat.

5. PROCEDURA ODABIRA KORISNIKA

Proceduru vrednovanja, odabira pristiglih zahtjeva i formiranje zapisnika izvršit će Komisija za dodjelu plastenika. Svako lice kojem po ovom Javnom pozivu bude dodijeljen platenik potpisat će Ugovor o dodjeli plastenika sa Načelnikom Općine, kojim će biti regulisana sva dalja međusobna prava, obaveze i čime se obavezuje na poštivanje odredbi istog.

6. FINANSIJSKA SREDSTVA

Projekat se finansira sredstvima iz Budžeta Općine Stari Grad Sarajevo za 2017.godinu u ukupnom iznosu od 30.000,00 KM. Ukupno će se dodijeliti 9 (devet) plastenika površine 100 m² sa dodatnom opremom.

7. NAPOMENE

1. Zahtjevi sa nepotpunom dokumentacijom kao i zahtjevi podneseni mimo utvrđenog roka neće biti razmatrani
2. Rok za podnošenje prijave na Javni poziv je 15 dana od dana njegovog objavljivanja
3. Proceduru vrednovanja i utvrđivanja liste kandidata za dodjelu plastenika izvršit će Komisija za dodjelu plastenika. Odluku o izboru kandidata za dodjelu plastenika donosi Načelnik Općine Stari Grad na prijedlog Komisije
4. O rezultatima Javnog poziva kandidati će biti obaviješteni pismenim putem, putem oglasne ploče i web stranice Općine Stari Grad (www.starigrad.ba), a mogu se i lično informisati u Službi za privredu i finansije, soba 416, IV sprat.

OPĆINSKI NAČELNIK
mr.Ibrahim Hadžibajrić

Sarajevo, 22.02.2017. godine